

REGIONAL NEWS UNIT

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS DATE: 24/08/ 2025

KAILASH MANSAROVAR YATRA CONCLUDES

Kailash Mansarovar གནས་སྐྱོར་གི་ཚཱ་པོ་ ༡༠ གདང་སྐང་ཏྲག་བསྐབས་པོ་ཨིན། འདི་ན་ ༩༥ ཐམ་བ་གནས་སྐྱོར་བོ་ཚུ་ཡོད། ལོ་འདི་གི་ June ན་འགོ་བཅུག་མཁན་གནས་སྐྱོར་འདི་གི་འདི་མཐར་ཚཱ་པོ་ཨིན། གནས་སྐྱོར་བོ་ཚུ་བསྐབས་པའི་གངས་འབྲས་ལྗོངས་འགྲལ་སྐྱོར་བོ་ཡར་རྒྱས་འཛིན་སྐྱོང་ STDC ཀིས་གཡོག་མེ་ཚུ་གི་སྐང་ཏྲག་གི་ཡལ་ཁའི་ཟུལ་ན་བསྐབས་གསོ་ཡལ་བོ་ཨིན། ལས་རིམ་ན་ལོན་འབྲེལ་དང་མི་སར་མཐུན་འབྲེལ་ལས་ལག་ (IPR) གི་གཙོ་འཛིན་ Ashish Rai འབྲས་ལྗོངས་འགྲལ་སྐྱོར་ཡར་རྒྱས་འཛིན་སྐྱོང་གི་གཙོ་འཛིན་ Lukendra Rasaily སྐུན་དོན་གཙོ་བོ་ཐོན་མེ་བཟུང་བོ་ཨིན། རང་གི་གསུང་ཤད་ན་ལོན་འབྲེལ་དང་མི་སར་མཐུན་འབྲེལ་ལས་ལག་གཙོ་འཛིན་སྐུ་ཞབས་ Rai གི་མངའ་ཁྲེ་གཞུང་ཚུམ་པའི་རྒྱབ་ལས་རང་གནས་སྐྱོར་བོ་ཚུའི་གྲང་ཁ་ན་ཐུ་མཐུད་ཏི་ཕར་བཞིན་ཡོད་པོ་གསུང་ཡོད། འབྲས་ལྗོངས་འགྲལ་སྐྱོར་བོ་ཡར་རྒྱས་འཛིན་སྐྱོང་གཙོ་འཛིན་སྐུ་ཞབས་ Rasaily གི་ ༢༠༢༥ གི་གནས་སྐྱོར་ཁྱོང་པོ་འདི་ལོ་དགའ་ལྷ་འབྲན་བོ་ཨིན། ཁོང་གི་རང་གི་གསུང་ཤད་ན་སྐྱོར་བོ་འདི་གི་གནས་སྐྱོར་བོ་ཚུའི་ཆོས་ལུག་གནས་སྐྱོར་སྐབ་པོ་ཨིན་དེ་སང་ Kailash Mansarovar གི་དོན་ལས་ཅིག་རྒྱལ་ཆེན་ལམ་གི་ཞེན་འབྲས་ལྗོངས་ཀྱི་འགན་ལན་ལོ་ཡང་ཏོན་བོ་ལབ་ཏི་གསུང་བོ་ཨིན།

ICMR DECLINING FERTILITY

འབྲས་ལྗོངས་ན་ཆབ་ཆེན་གནས་སྐྱོངས་ན་ཁུང་ལྷ་བོ་ཚ་སྦྱིད་ཏང་ལོ་ཕར་ཤད་དང་ཐབས་ལམ་ཏོན་ཤད་དོན་ལས་རྒྱ་གར་སྤྱན་བཙོང་ཞིབ་ཐུང་འཛིན་སྐྱོང་ (ICMR) གི་ཅིག་རྒྱལ་རབ་ཅན་intramural འཆར་གཞི་འགོ་བཅུག་ཡོད། འཆར་གཞི་འདི་ན་འབྲས་ལྗོངས་མངའ་ཁྲེ་ན་འཕྱོད་བསྐྱེན་ལུག་སལ་གི་བོ་ཚོ་སྦྱིད་ཤད་ལུག་སལ་ཐག་ཅད་ད་ཤིང་ཚུ་དང་མ་ལག་ཞིབ་ཐུང་སྐབ་ཤད་འགོ་བཅུག་ཡོད། འདི་ན་ New Delhi གི་ ICMR – NPRCH Mumbai གི་མཆན་རིག་མཁན་ཚུ་དང་འབྲས་ལྗོངས་ཀྱི་འཕྱོད་བསྐྱེན་ལས་ལག་དང་ཤེས་རིག་ལས་ཁུངས་ཀྱི་མཁས་པོ་ཚུའི་གཅིག་མཐུན་ཚཱ་པོ་གི་ཡོད་ཚུལ་བྱས་ཤད་ལོན་འབྲེལ་བའི་ལས་ལག་གི་རྒྱུ་ཆེན་ Chewang Gyatso Bhutia གི་བྱིན་ཡོད། ཤེས་པོ་དོན་བཞིན་འབྲས་ལྗོངས་རྒྱ་གར་གི་ཐམས་ཅད་ལས་ཁུང་ལྷ་བོ་ཚོ་སྦྱིད་མཁན་ (TFR) མངའ་ཁྲེ་ཐོན་ཡོད། ད་ཆོ་བྱ་མོ་ཅིག་གི་རྒྱ་ཆ་ ༡ སྦྱིད་ཤད་ལུག་ཡོད་གཤེད་འདི་རྒྱལ་ཁབ་གྲང་ཁ་ལས་ལེབ་ཏི་ཁུང་ལྷ་ཨིན། མཁས་པོ་ཚུ་གི་གྲུ་ཐུ་ཐུ་མཐུད་ཏི་ཁུང་བཞིན་ཡོད་མཁན་མི་མང་གྲང་ཁ་འབྲེལ་བའི་སྦྱོར་གི་ཉན་སྒྲ་གཡོག་མེ་གྲང་ཁའ་དང་སྦྱི་ཚཱ་ལོག་ཏའ་ལུག་སལ་ན་ད་ཅུང་དཀའ་ངལ་ཐོན་ཤད་ཚཱ་པོ་གི་ཐུག་སྐྱུག་འབྲན་ཡོད། བདོན་སྦྱར་འདི་ལོ་ཐུག་ལོ་བཞག་བཞིན་འབྲས་ལྗོངས་གཞུང་གི་ཐོན་ལས་རང་སྐྱོང་བོ་ཐབས་ལམ་ཚུ་བྱས་སྦྱང་གཏང་ཡོད། འདི་ན་བྱ་མོ་གཞུང་ལུག་ལས་གནང་མཁན་ཚུའི་དོན་ལས་དབལ་འབྱོར་དང་བོ་ཚོའི་ལོག་ཏའ་སེམས་ཤུང་འཆར་གཞི་ཚུ་ཡོད། དེ་རང་བྱས་གཉིས་པོ་དང་གསུམ་པོ་བོ་ཚོ་སྦྱིད་མཁན་ཚུ་ལོ་སྒྲ་ཐོག་ན་ཕར་ཤད་དང་བྱིམ་ན་འབྲེལ་བའི་ལོག་ཏའ་ཞབས་ཆེ་ཡལ་ཤད་གྲུ་མ་འཆར་གཞི་ཚུ་བྱས་སྦྱང་གཏང་ཡོད། འདི་ལས་གཞན་ “Vatsalya” འཆར་གཞི་དོན་བཞིན་གཞུང་དང་གཞན་མེད་གཉིས་གས་ལྟུང་གི་མེ་ཚུའི་དོན་ལས་ IVF སྤྱན་བཙོང་དོན་ལས་དཔུལ་འབྱམ་ ༩ གི་རྟོ་རམ་ཡལ་ཤད་ད་ཤིང་ཨིན།

EDUCATION DEPARTMENT

འབྲས་ལྗོངས་གཞུང་གི་ཤེས་རིག་ལས་ལག་ལོ་ཁོང་གི་གཙོ་བོ་ Digital ཐབས་ཅད་ཤེས་རིག་ཞིབ་ཐུང་དང་གོ་གྲིང་ལོན་འབྲེལ་ལུག་སལ་ (EMMIS) གི་དོན་ལས་མིང་ཆེན་ Centre for Innovation in Public System (CIPS) སོད་རས་ ༢༠༢༤ ཐོབ་ཡོད། Hyderabad གི་འཛིན་སྐྱོང་ Staff College in of India དོན་བཞིན་ཚུམ་མཁན་ CIPS གི་གསར་ཏོན་ཐབས་ཅད་ཏོན་མཁན་ཚུ་ལོ་སེམས་ཤུང་དང་དོས་འཛིན་ཡལ་ལྟོ་ཨིན།

གསར་ཏྲན་ ན་ ཤེས་རིག་ རང་བཞིན་ མཐའ་སྐྱར་ ལོན་འབྲེལ་ མཚན་རིག་ རང་བཞིན་ མཐའ་སྐྱར་ ལོན་འབྲེལ་ མཚན་རིག་ དང་ བྱང་སྤུང་ ཡར་རྒྱས་ གེམ་
མན་འདྲ་ལོ་ ཕྱོད་ཚུ་ ལ་འབམ་ ཡོད། ཕྱོད་ འདི་ ཚུ་ ན་ ལོད་ཤོག་ སྐམ་ཏྲན་ ཏྲན་མཁན་ ལས་ཁུངས་ ཚུ་ ལོ་ སོད་རས་ འདི་ ལུ་ལྷོ་ ཨིན་ སློབ་གྲྭ་ ཤེས་རིག་
དྲུང་ཆེན་ Tashi Chopel Lepcha གི་ Jammu & Kashmir གི་ སྤྱི་ཚུང་ འདོམ་ Manoj Sinha དང་ Jammu & Kashmir གི་ དྲུང་ཆེན་ གཙོ་བོ་
Atal Dulloo གི་ ཕྱོག་ལས་ Srinagar ན་ བཞག་མཁན་ ལས་རིམ་ ན་ Samagra Shiksha གི་ ལས་རིམ་ འགོ་བརྗེད་ Dig Vijay Basnett ཡང་ ཕྱོན་
བཟུང་ལོ་ སྤང།

ANITA CHETTRI – ASIAN BODY BUILDING

འབྲས་ལྗོངས་ གྱི་ Anita Chettri གིས་ Thailand གི་ Bangkok ན་ བཞག་མཁན་ ཟེང་ ༥༧ ལོ་ Asian Body Building & Physique Sports
Championship 2025 ན་ དུལ་ གི་ medal རྒྱུ་སྐྱེ་ མངའ་སྡེ་ དང་ རྒྱལ་ཁབ་ ལོ་ ང་རྒྱལ་ ཆེན་ལོ་ བསྐོ་ཡོད། Anita གིས་ རྒྱ་གར་ གི་ ཕྱོད་ལས་
ཁུང་ལེན་ གནང་བཞིན་ ལེད་ཤོག་ ཨིང་གཏམ་ ཟེང་ ཡོད། ཁོང་ གི་ ཚོན་བྲིས་ དཀའ་ངལ་ དང་ ཚ་གྲ་ རྒྱག་ གི་ རྒྱལ་ཡོང་ གས་ ན་ འབྲས་ལྗོངས་ དང་
རྒྱལ་ཁབ་ གཉིས་ གར་ གི་ ཨིང་ ཟོ་གྲ་ ན་ གེལ་ ཡོད།